

戊午冬月

西湖游記

白登署端

題詞

孟熊仁兄以西湖游記屬題勉成七絕二首

陳寶琛 跋廡

不獨詩家兼畫家。羨君夢筆一枝花。湖山自此增聲價。游戲文章亦國華。君善畫山水

開卷行間字字珠。一編游記興之餘。西湖生就真山水。未必丹青畫不如。

樊增祥 樊山

題陳孟熊西湖游記

小桃含笑柳垂絲。跌宕湖山趁此時。遠寄西泠詩裏畫。乞儂畫裏數行詩。

畫縑舊麗蘇家柳。詩味清甘宋嫂魚。不是白蘇同調客。不須笠屐到西湖。

江湖自署散人銜。三尺蘭橈六幅帆。何止還家香十日。柳煙梅麝滿春衫。

前身靈隱老堂頭。無復陳陶藍洲話昔游。何限園池待魁紀。荷花三十六年秋。余未在上湖

孟熊仁兄在海上時相聚飲自到京華別已數稔茲以西湖游記屬題率成兩

西湖游記

再版

絕以代楸候

王人文 采臣

舊游如夢夢如煙。一卷湖山在眼前。幾度焚香不厭讀。洛陽紙貴似當年。

一別西湖首幾回。故人貽我一枝梅。生花不讓江郎筆。盡是奚囊載得來。

題孟熊先生西湖游記

古北平林桂昌 遜叟

載酒西湖意自如。尋芳借住退菴廬。四圍翠繞蘇堤柳。數點紅跳白坂魚。

西湖結伴憶前遊。雲影山光處處幽。醉向南屏吟妙句。笑看雙槳蕩輕舟。

題陳孟熊先生西湖游記

錢唐朱介孫 詩隱

詩中畫即畫中詩。珍重行囊好護持。想見灞橋風雪裏。自家吟罷自家知。

歸裝重與說杭州。無限餘情記勝遊。尺幅描成真面目。湖光山色一齊收。

六橋三竺釣遊鄉。回首前塵事渺茫。辜負湖山好風景。十年歸夢隔錢塘。

一別俞樓昔年曾從曲園俞蔭甫先生遊先生築別舍於西湖顏曰俞樓不計年。綠

楊城郭渺如煙。今路湖城垣一律拆去西冷風月原無恙。滿地兵戈幾蔓延。民國成立迄今六載內訌迭起良可

也歎

孟熊先生以西湖游記屬題率成五絕

高涼林嵩尊 嶽威

建炎南渡作皇都。水色山光似舊無。太息中原胡馬盛。蘄王勳業付騎驢。

翠巘蒼波好夕陽。湖山無恙閱興亡。滄桑百劫英雄在。杯酒墳前酹岳王。

松巖石澗古雲煙。路入孤山雪霽天。放鶴亭高涼月滿。梅花香裏夢逋仙。

六橋花柳尚婆娑。煙雨濛濛漾綠波。載酒蘇堤停畫舫。漁樵閒與說東坡。

側看世事等浮漚。儘有閒情寄勝游。白傅新詩摩詰畫。君工詩善畫羨君獨擅古風流。

丁巳十月偕蘭史徵君游西溪徵君舟中出示陳君孟熊游記率題二絕

錢唐楊傲曾 志沂

南北高峰影欲浮。黃妃濃抹塔邊秋。前身君是徐霞客。網取明湖作臥游。

西湖游記 再版

買得湖心鴨嘴船。載將烟雨去如僊。何須水子與山子。下筆方能仿老蓮。

題孟熊西湖遊記

開封顧承曾 伯寅

浮雲玉壘改朱顏。載地荆榛不可刪。猶有靈區終古在。白波青嶂豈人間。

嘯傲從來軼八垠。偶然寄迹到湖漣。眼前儔侶都堪念。不向三生問舊因。

題陳孟熊先生西湖遊記

東莞祁 正武 垣

十載西冷繫夢思。鶯聲柳浪總迷離。讀君一卷遊湖記。恍惚扁舟雨過時。用大作題泛權圖語

意

傳神摩詰畫中詩。更仿倉山唱竹枝。記內有竹枝詞何君稱為酷似隨園往事旗亭絃管續。知音何處

不蛾眉。

題陳孟熊先生西湖遊記

李文權 道衡

山色湖光亦變遷。西妝西子詔姣妍。名墳勝蹟增多少。別後於今十五年。

別後於今十五年。愧無隻字可流傳。孟公欲述西湖美。常使人間讀此篇。

奉題

孟熊先生西湖四日遊記卽希

教政

新建蔡可權公 撰

清吟湖上歸。縱筆意堅瘦。萬世雲物殊。恍惚在襟袖。不聞金革聲。遠挹溪壑秀。兒童操几杖。險韻頗能鬪。蒼蒼挂春服。蕩蕩涵神宙。山阿若有人。而我不可覩。山下若有泉。而我不可漱。未擬窮澗谷。聊爾閱昏晝。覆載雖無私。跬步孰勝究。年年湖上客。輒迹或依舊。

題香山陳孟熊先生西湖遊記

開封顧準曾 仲平

吾邦談山川。厥維西湖最。錫名銷金鍋。此語原非獮。我懷幽勝地。良覲苦無會。昨夏遊申江。一水隔衣帶。况有東道主。相約清泉酌。倏來風鶴驚。匆匆遽回旆。嶺南詩中

西湖遊記

再版

三

豪。武林寄行軼。邱壑考圖經。煙雲供藻繪。作記追柳州。神馳百家瀨。示我臥遊具。膏馥得沾丐。他年訪名山。先導茲可賴。

陳孟熊先生西湖遊記屬題率成七律四首就正

吟壇

東莞蘇澤東 選樓

坡老清游興不孤。曾將西子比西湖。好攜謝傅登山屐。儼覩王猷泛棹圖。君丁己春自繪西湖將煙雨過西湖句。十頃波光娛我輩。千秋風雅屬吾徒。雷峰夕照三潭月。佳景天然

入畫無

屢約探奇願未酬。余屢約香山詞人黃君日坡游西湖未果淡妝濃抹夢杭州。梅吟逋宅新詩社。柳折蘇

隄舊酒樓。却喜風塵多雅士。應知湖海有名流。花間展卷掀髯讀。四壁雲山作臥游。

大好山河付劫灰。開西湖風景摧殘於兵燹多不復舊觀云酒痕襟上有餘哀。滄桑世變騎驢去。笠屐情

閒放鶴來。南渡夢華名士錄。西泠歌吹美人杯。臨流不盡興亡感。誰復中原武穆才。

湖上有
岳王墳

羨君清福樂林泉。老尙風流號醉仙。聞君豪於飲兼工詩書畫少伯五湖饒興會。長康三絕定名

傳。江山靈氣非無助。文字神交却有緣。翹首吳淞書畫舫。君寓有書畫舫何時聯詠擘雲箋。

題孟熊先生西湖游記

鄭璧軒

四日西湖記壯游。江山勝蹟足勾留。春風芳草王孫路。流水桃花學士舟。三竺林泉詩夢繞。六橋烟雨畫圖浮。奚囊滿載驚人句。壓煞歸航興未休。

吾邑陳孟熊先生以所著丁巳仲春西湖游記一本屬舍姪仲祁轉贈拜讀一

過覺畫中有詩詩中有畫湖山佳勝聚在目前而客主風流友朋唱和之樂

亦極一時之盛爰口占一律謹跋于後以誌欣賞

劉孝煒仰山

終古西湖具大觀。浙江名勝此中攢。羨君目覽丹青富。慰我神游夢寐寬。四日舟車饒樂境。千秋裙屐聚騷壇。前朝相國孫文定。記撰南遊一例看。

西湖游記

再版

四

戊午除夕前三日爲陳君題西湖遊記

崇川徐 鑿澹廬

索句何曾歸閉門。一編湖海氣長存。題襟館裏斑斑墨。留作他年舊酒痕。

奉題孟熊先生西湖遊記

長沙殷 仁

漫把西湖比西子。且移西土到西湖。衆生度盡方成佛。爲問陳君願有無。

孟熊先生小住西湖作泛棹圖題後一律

長白傅潤璋子如

淡粧濃抹寫來真。氣類謔呼意自親。詩本袖中知律細。酒痕襟上浣塵新。殘山剩水餘今日。疏雨微雲送晚春。靈鷲不飛孤鶴去。清遊吾欲證前因。

題陳孟熊君西湖游記

五律二首
時在春日

侯官嚴 復繼道

拋却勞形事。來游西子湖。山梅花已落。堤柳葉方蘇。波影動深淺。山光認有無。扁舟歸去晚。買酒問當壚。

一葉瓜皮艇。行行裏外湖。泉聲新雨急。塔影夕陽孤。蘇墓留香土。岳墳鑄佞夫。頻年

游興減。日日尙征途。

奉題

孟熊先生西湖遊記

湖南易順鼎 一厂

欲把西湖比西子。坡句送完南渡又南巡。拙刻吳蓬集中舊句不堪回首偏回首。歷劫湖山歷劫

身。余遊西湖三十年矣

畫中詩即詩中畫。君善畫山外湖連湖外山。作畫作詩還作記。載湖還並載詩還。

孟熊仁兄以西湖遊記屬題勉成七絕四首即請

拍正

泗州劉 淇 荅生

來訪林逋處士梅。春風料峭未全摧。芒鞋竹杖渾忘倦。飽看孤山日幾回。
步行直上三天竺。一路杜鵑花放時。到處摩崖多古佛。別開苔蘚擗殘碑。
靠山臨水小樓臺。一片蘇堤柳徧栽。幾度停橈看遠景。紛紛鷗雁過湖來。

西湖遊記

再版

五

春入西湖尙嫩寒。薄游四日暫偷安。好山無限休回首。留取明年對面看。

題西湖遊記

孟熊先生削正

秣陵哈 麀 觀津

石田田叔久成圖。耆舊尊前賞不孤。畢竟畫家工覓句。載將煙雨過西湖。七字君題畫佳句也
高峰南北入烟霞。消受荷花與桂花。他日倘營湖上宅。好圖獨樹老夫家。

奉題

孟熊仁弟西湖遊記四首即請

吟壇敲政

浙江趙能壽 小搗

酒痕襟上記杭州。結伴攜家續勝游。山色迎人依舊好。一湖春水一扁舟。
遠近湖光鳥往還。扶筇日日翠微間。冷泉不斷白雲起。無數杜鵑紅過山。
瓜皮蕩槳鏡波低。賣酒樓邊近柳堤。醉倚斷橋問小小。一坏香塚夕陽西。

不是看山便畫山。君善繪事所作山水直逼四王客懷幾日暫偷閑。春風一夜歸帆急。圖個西湖載夢還。

題孟熊仁仲西湖遊記

甬東青青子王恩溥 松堂

餘春天付意寬閒。一路看花又看山。道是西湖比西子。却從煙雨覩芳顏。湖上湖中景物多。天倫師友樂婆婆。摩山勒石題名姓。蠟屐重來認薜蘿。一事多君品節高。劉莊咫尺未游翱。聖人縱使關鄉誼。差免封人請見勞。

卅里西泠吾舊游。愧無筆記諗名流。煩君再畫孤山景。添寫狂吟一小樓。余築有小樓因自號

小樓主人

敬題四日西湖遊記就正

吟壇

榕城崎廬主人李心玉

樊川老去更風流。橐筆西湖寫勝遊。累我痴腸拋不去。至今夢尙繞杭州。

西湖遊記

再版

六

絕好湖山絕妙文。從今風月竟平分。歸舟應詔無雙福。半載春光半白雲。塵囂未許苦牽纏。獨泛扁舟訪洞天。漫惜遊踪纔四日。羨君清福已如仙。拓將胸次海天寬。下筆鮫珠走滿盤。恰似丹青作圖畫。淋漓寫出讓人看。

題孟熊仁兄西湖遊記

東莞張其淦 豫泉

我曾遊西湖。屈指三十載。傳聞風景異。西子裝已改。白蘇魂歸來。感喟可知矣。閻浮一漚幻。世界倏滄海。不變空明心。祇有湖上水。愛君遊記好。詩筆煥霞彩。微言識慈悲。上訴泣真宰。會當訪孤山。期子採瓊藥。識我當無人。幸有老梅在。

二十年前舍弟宰桐廬。有釣臺登高約余由邗江赴杭。小住湖上二日。即買櫂

桐江今讀

孟熊仁兄西湖遊記回首前游恍如一夢。奉題七絕二首。感舊思鄉。百端交集。工拙

不暇計也。

番禺沈宗畸 太侔

一權湖心倚夕陽。廿年前事夢都涼。舊時西子今胡服。湖上各園半是洋樓怪狀愁君記未詳。

山光澹沲水溫柔。畫筆眉公儻可儔。同是天涯鄉夢遠。乞留餘墨繪羅浮。陳君工繪事卷首附

印自繪西湖圖故云

再題陳孟熊君西湖遊記

番禺沈宗畸 太侔

草色湖光繫夢思。卜居真悔廿年遲。尋常已負安鄰約。怕聽山陽弄笛時。曩與何穆恣有卜居

湖上之約穆恣逝已經年矣

誰撼錢塘八月潮。晚嵐斜日兩蕭蕭。蘄王往事分明在。猶恐相逢是六朝。

湖上微烟入夕冥。伴遊仍過鶴歸亭。遙憐無限蘇堤柳。又隔年時一道青。

艇小如鷗載夢還。平湖終古碧潺潺。丹青已畫烟嵐態。更寫湖頭月一灣。

題孟熊先生西湖遊記

番禺潘飛聲 蘭史

新霜同點髻中斑。我正居庸匹馬還。却羨向平心事了。清遊又愛此湖山。

西湖遊記

再版

七

巢居閣上擬仙家。縞袂人來共煮茶。為語工詩何水部。謂閻樵君好留孤鶴待梅花。

九溪十八澗陰森。奇景誰知畫裏尋。桂子三秋荷十里。喜君能探理安深。

三潭月上一憑闌。清絕南屏照影寒。四日空匆別西子。淡妝濃抹已全看。

題孟熊先生西湖遊記

古端孔慶堦 叶隴

畫冊詩囊盡盡收。先生椽筆問誰侔。湖光山色行間露。一卷何妨作臥遊。

題孟老西湖遊記兩首

香山陳官一

斷橋風細柳青青。雙塔凌霄列畫屏。湖外雲山湖內寺。水中樓閣水心亭。

十里湖光一葉舟。遠山隱隱暮煙浮。雷峯夕照西冷月。收入奚囊作臥遊。

題孟熊先生西湖遊記

香山鄭官應 陶齋

匡廬避暑絕塵囂。六月避暑匡廬山遊記閒披輿倍饒。我憶癸年曾到此。余記癸丑年偕數友遊西湖曾勒名

於煙霞洞石壁云永和後二十七年癸丑徧尋勝跡問漁樵

鄭陶齋周清泉周仲蒲許奏雲遊此

濟顛聖跡說紛紛。木出井中露水紋。多少遊人皆不悟。徒登蘇墓與秋墳。

前題

香山劉仲祁

一詩一畫一扁舟。雲水光中四日留。我亦西湖舊遊客。至今猶夢到杭州。
携筇踏徧二公堤。草色青青柳色低。繞道欲尋蘇小墓。鶯聲招我過橋西。
無人經過不題詩。山水天然骨相奇。小立湖心亭外望。春朝秋夜總相思。
西子芳名合贈湖。黃鸝聽慣解相呼。淡粧濃抹供椽筆。寫入煙波泛櫂圖。

前題

高要梁應繇 綸卿

水光山色有疑無。煙雨迷離入畫圖。漫謂嘉陵好山水。天然風景是西湖。

前題

香山鄭殿勳 業臣

幾番杯酒共流連。雄辨時聞震四筵。花下偶攤遊記讀。西湖名勝恍當前。

前題 讀桃園憶故人一閱

番禺石炳淦 伯原

西湖游記

再版

八

知君夙世靈根種。剪燭西窗曾共。安得驂鸞跨鳳。樂聽鈞天弄。

湖山描寫光浮動。采筆花生江夢。贈我瑤編價重。勝似瓊琚送。

前題 演連珠二首

開平譚兆鼇 海秋

蓋聞柯亭竹好。惟呈響於蔡邕。豐城劍埋。終發光於雷煥。是以文人著作。斷無終老於名山。才士文章。必得流徽於當世。

蓋聞一邱一壑。經名流之紀載而彌彰。某水某山。得騷客之品題而愈顯。是以有右軍之作序。而蘭亭以傳。有太白之開筵。而桃園不朽。

前題

順德黃式如

西湖佳境久神遊。俗務羈身願未酬。幸得先生留筆記。焚香展誦興悠悠。

前題

鶴山勞敬修

神入秋毫妙到巔。西湖飽領氣清鮮。古來文字江山助。佳畫如公殆亦然。
前承公畫山水一幅

見贈筆意高超爲近時畫家所罕及是殆得西湖清氣者

前題

香山鄭伯昭

西湖當日共流連。屈指于今已十年。昔曾偕孟公同遊西湖于今不覺十年筆記一篇欣展誦。遊踪彷彿認從前。

前題

高要黃伯平原籍南海

素說西湖好。居然在眼前。六橋煙柳活。三竺雨花妍。山色青含霧。波光白接天。許多名勝境。開卷意悠然。

前題

番禺許炳璈奏雲

我生四十有三載。十載勾留在此湖。過眼滄桑知幾變。寄身雲水不嫌孤。愧無藤篋三生記。空有梅花百詠圖。余舊有孤山探梅圖曾題百詠惟於西湖遊記尙付闕如媿君多矣回首舊遊思補紀。輸君椽筆比霽蘇。

西湖游記

再版

九

前題

吳縣劉廷棟乙青

居傍西湖已一年。四時景色總清妍。冬梅春柳湖山勝。夏日余尤愛採蓮。

前題

開平譚維麒石卿

畫筆妙入神。詩工字亦好。遊湖興頓豪。聊以舒懷抱。葛嶺偶尋仙。孤山曾訪道。奇觀四日搜。盡入奚囊稿。

前題

順德何子均

聞說西湖景最幽。幾番目想與神遊。先生幸有如椽筆。却把奇觀一一搜。

伏讀

孟熊寄父西湖遊記敬題七絕四首恭呈

誨政

寄子趙祖受繩武學吟浙江

一別杭州歲幾經。山容猶是昔時青。西湖依舊人無恙。兩鬢新添白數莖。

波光如鏡柳如煙。一葉瓜皮水共天。兒輩也知湖上好。勸爺料理買山錢。
何處飛來靈鷲峰。冷泉殘塔夕陽中。再來宜葺三間屋。好聽閣黎飯後鐘。
竹杖芒屨短後衣。客懷瀟灑不任羈。扶筇策蹇渾無事。四日偷閒看翠微。

前題 騷體

高要朱國賢 佐屏

湖水之濼洄兮光瀲灩。湖山之高聳兮勢巍峨。衣宜振兮山之阿。足宜濯兮水之渦。
害既無虞於鹿豹兮。患亦無慮於蛟鼉。喜得四日之安閒。以憑眺兮。挈荇藻而攀藤。
蘿。目所見而筆於書兮。羨魯魚帝虎之無訛。承一篇之見贈兮。對風月而編摩。余雖
未遊於西湖兮。一開卷如見氣象之森羅。

和孟熊先生登煙霞洞山亭有感

香山鄭碧軒

波湧晴嵐出。滄江萬古青。風潮時起落。屹立此山亭。
鳥啼春澗碧。柳鎖暮山青。三月桃花浪。隨風撼野亭。

西湖遊記

再版

十

登山攜謝屐。曉踏草青青。自寫閒中趣。看雲坐此亭。
遊山登絕頂。屐齒踏雲青。夕照東風裏。聽潮獨倚亭。

和孟熊先生登六和塔有感

香山鄭碧軒

拓開霄漢勢巍峨。俯吸春山數點螺。八面疎櫺供遠眺。神州太息陸沉多。

題孟熊先生西湖泛棹圖

香山鄭鴻漸 仲達

結伴游湖刺畫船。輕煙細雨杏花天。分明滿載家庭樂。共濟皋比坐儼然。
何君閻樵是孟熊西

席

前題

濟社協 香山鄭何德貞 女士

孔家樽酒米家船。又值時晴乍雨天。朋輩兒孫同鼓棹。數聲欸乃興悠然。

題孟熊先生西湖遊記

香山梁少芝 女士

西湖景色四時新。畢竟風光數麗春。勝跡依稀猶在目。喜從筆記認前塵。
余隨家母遊西湖已

前題

西子從來號美人。西湖相比語何新。淡妝濃抹形容肖。筆記描摹更入神。

番禺蘇淑貞女士

前題

久仰君能畫。歸來有畫圖。何如著行卷。長此戀西湖。白石新詩卷。青谿舊酒徒。一編招隱語。猿鶴向人呼。

姜月子女士

前題

素羨西湖景。何期一見之。湖山如此好。端合比西施。

擬借外子間
樵同遊不果

高要張蝶屏女士

前題 四字令

輿兒駕將。船兒放剛。登臨意甚洋洋。羨公遊興長。明的波光。媚的山妝。盡教收入

廣東小
學校長新會陳鴻璧女士

奚囊發為文字香。

西湖遊記

再版

十一

前題

長自春申未識山。更難四日學偷閒。篇中描寫登臨勝。絕妙湖山見豹斑。

啓秀女校
第一班番禺徐素娟女士

敬題 孟熊太舅父西湖遊記

外侄孫盧文容

濛濛煙雨杏花天。偶向蘇隄泊畫船。南渡偏安王氣盡。湖山歌舞感當年。

並工詩畫齊摩詰。獨擅文章擬大蘇。不管江山誰是主。只憑靈性寫西湖。

敬題西湖遊記

姪欖 根葆枝

壯愛遨遊老未休。尋常一記亦千秋。奇觀自足凌三島。佳詠應教徧九州。莫訝流連

貽世誚。須知風雅有賢儔。

謂閩樵
先生

扁舟載得奚囊句。水色山光盡日收。

莫羨桃源此問津。湖山佳勝妙無倫。萬方定卜傳遊記。四日先教洗俗塵。燕語鶯聲春未老。柳風梅雨景常新。合將好句貽西子。名士于今信有真。

敬題西湖遊記

子文 韜彥斌

西湖之水清且鮮。西湖之山斷復連。孤山葛嶺勢懸延。靈隱天竺象萬千。煙霞洞古孰逃禪。更有飛來峯插天。仰見湖山何蜿蜒。俯看湖水何漪漣。種種名勝言難宣。遊湖何日願始償。今幸嚴君示我編。捧閱恍如境在前。少文臥遊詎不然。何若淡妝濃抹兮。日對我而翩翩。

敬題西湖泛棹圖

子文 煥
十二年

阿爺打槳我持橈。阿姪旁撐力愈饒。却喜同舟能共濟。賓師穩坐渡長橋。
賓指鄭君滋標師指

何君樵

前題

孫嘉 禮 秩如

長前少後記遊踪。杖履追隨興不窮。猶憶西湖同泛棹。巢居閣外雨濛濛。

前題

用仲遠先生韻

孫女 寶 娥 玉 娉

登山著屐水乘船。况值韶華二月天。童冠賓朋結遊侶。湖山飽領意陶然。

西湖游記

再版

十二

敬題

孟熊伯父西湖遊記

滿江紅

姪 欖 根 葆 枝

大好湖山盡收入錦囊。佳句數景物。渚蘭汀芷。水鷗沙鷺。四日漫云遊興淺。一篇早

把才華吐。記英雄兒女各千秋。孤山路。

岳王墳蘇小墓俱在孤山路昔人有蘇句花解

語。留春住。鶯百轉。啼紅樹。正扁舟過去。載將煙雨。

伯自題西湖泛櫂圖有一葉扁舟三兩客載將烟雨過西湖之句

畫理依稀摩詰意。文心彷彿東坡賦。况十年回首感滄桑。思前度。

伯十年前曾遊西湖當時所有彭公

左公等祠今俱改為革命先烈祠而西子改妝沾染洋氣臘屐重來不無今昔之感云